


HISTOR ADMIRABL D'EMEUS al BOUDEDEO

Pehini, abaoe maro hor Zalver, ne ra nemet bale nos ha deiz ac'hann da fin ar bed, abalamour d'an effronteri an devoa bet en andret hor Zalver Jesus-Christ, pehini, pa voa o vont d'ar maro, a falvezas dezàn disquiza var e stal, hac e teuas d'en rebuti evel eur scelerat.



Var ton : GUERZ SANTEZ ANNA.

Asistantlet enorabl, tostaat da glêvet
Ar vuez pitoyapla a voe biscoas ar bed ;
An histor zo truezus demeus ar Boudedeo.
A zo nôs-deiz o vale aboe hor Zalver maro.

Eus a tribu Nephtali, a guer Jerusalem,
Voa ganet Absarius, carguet a anathem ;
Dont a ras ar bed-mâ en amzer Herodes.
A felveas massacri Jesus, Mab ar Verc'hez.

Va zad a voa ur c'halve, va mam kemennerez,
Hac a laboure en Templ da ober broderes ;
Ha va c'herent am desqas da lenn leor al lezen,
Hac hini ar Brofetet ivez a dra certen.

Goude e voen demeet gant va c'herent afin,
Da eur vreg fur a prudent a tribu Benjamin,
A bini'm boe tri buguel en amzer ma teuas
Autrou Sant Yan Badezour d'annone ar Messias.

Sant Yan a gonvertissas calz eus ar bayanet
Pere voa idolatret, caledet er pec'het ;
Dec mil den en eun devez en deveus badeet,
Me, ma greg, va bugale e voamp bet o velet.

Va greg a lavaras din : va fried, emezi,
Lekomb en em vadezi, enont e ar Messi ;
Ha me o respont dezi gant un ear direspel :
Na ni nac hor bugale ne vimp get badeet.

Aben eun nebeut goude Sant Yan voe dibennet
Dre urz roue Herodes, eun den cruel meurbet,
Ha ma teuas hor Zalver evit rên en e blaç ;
Hac a ras dre ar c'hanton calz a viraclou bras.

Clêvet e meus bet Jesus alies o sermon,
Hep ne meus bet profitet eus e bredication ;
Va-unan e voa presant p'en doa rassaziet
Dec mil den gant bemb bara ha goudeze pesquet.

Me Boudedeo maleürus a velas c'hoas souden
Jesus o ressucita Lazar, breur Madalen,
Ha güelet dibossedi calz a dud possedet,
Ha sivoas din, pec'her bras, ne meus tam profitet.

Aben eun nebeut goude voe Jesus kemeret
Gant calz eus a judevien er jardin Olivet,
Ha condaonet gant Pilat da rancout da zouguen
Ar groas ponner ha mezus evit ar bec'herien.

Pa voe ar groas achuet, hor Zalver voe samet,
Da vont da venez Calvar da vea crucifiet :
O velet an dud o redec, me guemer va buguel,
Ha me mont da dal an nôr pa yê en da vervel.

Cetu Jesus o tremen neuze abiou va zi,
Pehini en tal va stal a deu da reposi,
Ha me lavarar deân gant eur gomz arrogant :
Qé alesse euz va stal, te zo eun den mechant.

Ganes on dizenoret gant da effronteri,
Pa güelân o reposi amân e tal va zi ;
Querz alesse, den ingrat, cos sorcer milliguet,
Querz alesse d'ar maro, pe c'heus he meritet.

Jesus a resbontas din gant eur voez truezus :
Mont a ran da bartia, den fall, den maleürus,
Me reposo gant va Zad, te valeo bepret
Dre bêvar c'horn ar bed-mâ ac'han da fin ar bed.

Ia, te valeo ac'han d'ar jugamant,
Hac er c'hoste deo d'am Zad am velo suramaant
O varni ar bec'herien pere voa condaonet
Da vont d'ar flamou gries, ar re just d'ar joaüstet.


Pa glêvis comzou Jesus, va c'halon voa touchet.
Ha me rêi va bugale eun instant d'am pried,
Ma velis ar Veronic o sec'hi bisach Jesus.
Ha chom en he mouchouer e boltret truezus.

He ellout n'em arrêti et heuillis hor Zalver.
Hac e velis va Jesus ha calz graguez santel :
Ar bourrevien d'ar Verc'hez o deveus lavaret :
Cetu amâ an tachou ma vo ho Mab staguet.

P'am boe güelet hor Zalver o vervel var ar groas
E creiz etre an daou laer carguet a boanniou bras,
Ha me commang va beach gant calz eus a anquen,
O tont da laret adieu d'ar guer Jerusalem.

Sonjit eñ, Bretonet, pegument a c'hale'har
En deus ar Boudedeo bremâ var an douar !
Rancout quittä e gartier, e vreg, e vugale,
Hep qimiadi diouto, evit atao bale.

Pa en devoe baleet eun nombr a vlaveziou.
Ec' êruas en Ejipt, pel bras demeus e vrô,
Eno e mâ ar Mor-Rus, elec'h m'oe tremenet
Moyses gant bobl Doue, hep cavout drouc ebet.



Mont a ris eus ac'hane da enezen Candi,
Elec'h emedi en noas an dud a zo enni :
Eno e velis eun tad o trec'hi a damou
E verc'h evit sacrifice da rei d'o doueou.

Mont a ris da Malhodo, e pelec'h eus tud drol,
Pere a ador Doue hac an diaoulou oll ;
Pedi reont Doue da gaout prosperite,
Hac an diaoul a bedont ne rañ get drouc dêze.

Güelet e meus er Japon ur vam meurbet cruel,
Aini deuas da laza, sivoas, e daou buguel.
Er vrô-ze ê permettet laza ar bugale
Pa n'o deus quet a vara da rei dêze.

Goude quemeris an hent da vont d'an Enezi,
D'an Americ, d'an Asi, ha neuze d'an Turki,
Ar graguez eus var vrô-se a vale d'an arme,
Hac an ezac'h o deus soign demeus ar vugale.

Eno emedi ar c'his da laza ar brotret,
Nemet unan dre famill na ve james miret.
Be' o deus eur rouanez a ro commandamant
Da laza an oll brotret, hep caout dê nep damant.

Er guær eus a Garniol eus eur c'his drol meurbet,
Rac eno an dud yaouane, pa vezont eureujel.
E rânco ar vreg yaouane, nôs genta e heured
Mont da gousget gant ar prinç, vit beza enoret.

Bet on ebars eur c'hoad hanvet Cisaria,
Elec'h ma eller bale cant leo d'an neubeuta
Hep cavet dour da eva, na feunteun, na rivier,
Ar pez zo goal incomod da oll dud ar c'hartier.

Monet a pis c'hoas pelloc'h, d'ar guær a Vosopa
Pini zo eus he divoal eur prinç eus an drola :
Ur vanden chaç a merc'het en deus evit gardou,
Ha n'en deus gen soudardet evit difen e vrô.

Ac'hane'yis da eur guær zo hanvet Estopet,
Elec'h ma zeus serpentet ha loened vil meurbet
Zo qer teo ha corf un den sur ma vent muzuret
O deveus d'an nebeuta daou-nguent troated het.

Er spaç demeus a gant vloas ez on bet o vale,
Ha me êruont adare em brô hac em c'hontre :
Allas ! maro voa va greg coulz ha va vugale,
Ha den ebet eus va brô certain n'am anavec.

Neuze e teuis da Rom, ebars en Itali,
En amzer-ze e voa calz eus a c'hlaç'har enni ;
Güelet' ris marzeria nombr bras a gristenien,
En defot ne renoncent d'o feiz ha do lezen.

Me a vale var ar môr coulz ha var an douar,
Ha me partiel neuze evit ar Franç, bro car ?
E Marseil, Bourdel, Paris, Niort, Naonet, Lyon,
Ac'hane da Vreiz-Izel, d'ar guær vrao à Roazon.

Güelet e meus Montroulez ne voa nemet eur c'hoad
Ha güelet Brest ha Quimper ebars en douar prat,
Ha güelet ar guær a Is en e frosperite,
Hac ar gær à Lexovi a meus güelet ive.

Güelet e meus Breiz-Izel en coad ha menezioù,
Ma zoat evel sovaget neuze ebars er vrô ;
Me a vel calz a guærioù er vro-se batisset,
A ra calz a chenchamant abaoù ma zon bet.

Me vel ar guær a Roazon eur guær gær batisset,
Dol, Güenet ha Sant-Malo, Dinan hac an Naonet,
Sant-Briec ha Landreguer, Lanion, Montroulez,
Castel-Pol ha Lesneven ha Landerne ive.

Ar c'hærioù ze meus güelet e coad hac e prajou
Pa deuis d'ober va veach genta ebars ar vrô ;
Celu batisset Quemper, ha Brest ha Recouvranc,
Quemperle, Moelan, Kerahes ebars en assuranc.

Anfin, pa on condaonet gant Doue da vale,
Me zo bet en em gavel e creiz meur a arme ;
Canolioù a fusilioù, clezeyou, sabrennou,
Netraa ne dê bet capabl de rei din ar maro.

Bet on ebars en listri a zo bet perisset,
Hac an dud a voa enne a meus güelet beuzet,
Ha me hanvet Boudedeo n'em bije drouc ebet
Comzou Doue a rânco bea accomplisset.

Condaonet e zon gantâ da chom var ar douar ;
Comprenit oll christenien, emâ zo din glac'har !
Va zourmanchoù er bed-mâ bigen na êchuo
Qen a deui Doue da varn ar beo hac ar maro.

Ar som eus a bemp goennec so em godel bepret
James ganet nep seurt clenvel me ne don attaqet.
Bet on ebars en broyou elec'h m'oa ar vocen,
Hep na zeus staguet ouzin na clenvel nac anquen.

Va boutou na va dillat james na uzont get,
Dre bermission Doue a meus bet offancet ;
Peder guæc'h a meus redet pêvar horn ar bed-mâ,
Ha güelet e meus ive calz chenchamant ennâ.

Bremâ e zon comancet da redeç a bempet.
Hep ne don ambarasset gant dibri na cousget ;
Güelet a meus bet broyou a zo bett oll revinêt
Ha calz demeus a guærou gant ar gurun dêvet.

Ne meus get calz amzer evit chom da barlant
Me a gred e ma va zreid vargore glaou ardant,
Nan, ne zeus nemet Doue a elfe disclêria
Ar boanniou bras a souffran qerqent ma reposân.

Pebes maleur ê din-me bea bet rebutet
Demeus a guichen va stal Jesus Salver ar bed
Pa voa o vont d'ar maro, da zont da zisquiza
Ha me neuze dre valeur a zeuas d'e zispriza.

Emâ ê ar maleur bras a meus var ar bed-mâ !
Emon atao o vale ouspen trivac'h cant vla,
Ha c'hoas e rangân bale ac'han da fin ar bed ;
Pedit Doue evidon, ma zin d'ar joaüstet.